

M̄weīnan eo an Priesthood

Eprōl̄ 2, 2011

Katak ilo Priesthood eo

Jen Būreejtōn Henry B. Eyring

Rikakipilōklōk eo Kein Kajuon ilo Būreejtōnji eo Kein Kajuon

Eḷap aō utiej n̄an pād ippami ilo kweilōk in an priesthood eo an Anij. Jej pād ilo elōn̄ kajjojo jikin ko reoktak joten in im ilo elōn̄ jekjek ko ilo jermal in jipaṅ an priesthood eo ad. Aet kōn aolepen okoktak an jekjek ko ad ewōr juon ad aikuj ejjab oktak. Ej n̄an katak eddo ko ad ilo priesthood eo im n̄an eddōklōk ilo kajoor eo ad n̄an kōm̄mani.

Ke Iaar juon tikōn Iaar lukkuun eṅjake aikuj jab in. Iaar jokwe ilo juon branch edik an Kabuṅ in ilo New Jersey, ilo East Coast ilo United States. Kar n̄a wōt tikōn ilo branch eo—ejjab juon wōt ej etal n̄an e bōtaab juon wōt ilo rekoot ko. ḷaddik eo jeiū, Ted, eaar e wōt rūkaki. Epād ijin joten in.

Ke Iaar juon tikōn wōt, baam̄le eo aō eaar em̄makūt tok n̄an Utah. Ijo Iaar lo jilu men ko raiboojoj me raar ejaak n̄an kōm̄okaj ḷok eddōklōk eo aō ilo priesthood eo. Eo m̄oktata eaar juon būreejtōn eo eaar jeḷā ekōjkan jijet ilo kōṅjeḷ ippān membōr ro an doulul eo an. Kein karuo eaar tōmak eo eḷap ilo Jisōs Kraist me eaar tōl ḷok n̄an juon iakwe eḷap kōm̄ij kab tōn kar roṅ—iakwe eo n̄an ro doon. Im kajilu eaar kwaḷok lōke eo bwe un eo an priesthood eo ad eḷap eaar n̄an jermal n̄an ḷom̄oṅ an armej.

Eaar jab ward eo ekajoor me eaar kōm̄man oktak. Ta eo eaar pād ijo ilo ward jab eo me emaroṅ in pād aolep jikin, ilo jabdewōt iunit an Kabuṅ in kom̄ij pād ie.

Men kein jilu remaroṅ in juon m̄ōttan ekanooj in ḷap kōn jeḷā eo ami ilo doulul ko ami ilo priesthood eo me epen ami kili. N̄an ro jet kom̄ maroṅ jab eṅjake aikuj eo n̄an eddōklōk, kōn menin jipaṅ kein remaroṅ jab aorōk n̄an kom̄. Juon wōt iaaer, Ij jar bwe Jetōb eo enaaj jipaṅ eō kōm̄man bwe ren alikkar im kaitoktok limo n̄an kom̄.

Kōttōpar eo aō ilo kōnono kōn jipaṅ kein jilu n̄an eddōklōk ilo priesthood eo ej n̄an libjerjer kom̄ n̄an kaorōki im n̄an kōjembali. Eḷaṅṅe kom̄ij, jermal in jipaṅ eo ami enaaj oktakḷok n̄an em̄manḷok. Im, eḷaṅṅe ej kileḷok, jermal in jipaṅ an priesthood eo ami enaaj kōjeram̄man ajri ro nejin Jemedwōj Ilaṅ eḷapḷok jān ami maroṅ kiiō pijaik ḷok epidodo.

Iaar lo eo kein kajuon ke kar karuwaineneik eō n̄an juon doulul an pris ro, ippān bisop eo āinwōt

am būreejtōn. Emaroñ in kar bōlen men jidikdik, rejjab eļlap ñan kom, bōtaab eaar letok ñan eō juon jeļā kōn kajoor eo ilo priesthood eo me eaar ukōt jermal in jipañ eo aō ilo priesthood eo jān tōre eo. Eaar jino kōn wāween eo eaar tōl kōm.

Eaar āinwōt ñan ña, eaar kōmṁṁan emṁṁan ñan ļōmṁak ko an pris ro reddik āinwōt eļañne kōm kar emṁṁaan ro remeletlet tata ilo laļ in. Eaar kōttar ṁṁae iien aolep ro renaaj kar kōṁaan kōnono kar dedeļok. Āinwōt an pidodo in wōt Aō maroñ ba. Im ke eaar kālōt ta eo ej aikuj kōmṁṁane, eaar āinwōt ñan ña bwe Jetōb eo eaar kapene jokālōt ko ñan kōm im ñan e.

Ij kile kiiō Iaar eñjake ta meļeļe eo an jeje ko rekwojarjar ke ej ba bwe būreejtōn eo ej ñan jijet ilo kōṁjeļe ippān membōr ro an doulul eo an.¹ Im iiō ko tokālīk āinwōt Iaar juon bisop ippān doulul eo an pris ro aō, er im ña kar katak jān ta eo Iaar aikuj katak āinwōt juon pris edik.

Rōñoul iiō tokālīk āinwōt juon bisop, eaar wōr aō iien emṁṁan ñan lale wejepedik eo an juon kōṁjeļe, ejjab wōt ilo imōn jar eo ak ilo toļ ko barāinwōt. Ilo juon ṁṁakūtūt ilo Jādede, juon membōr in doulul eo am eaar jōbwābwe ilo wōjke ko bōñōn eo. Ijo kōm kar jeļā kake, eaar make ļok im ilo an ejjeļok an nuknuk meṁeṁ, ṁṁōñā, ak jikin kōppād. Kōm kar pukōt e ejjeļok tōprak.

Aō kememeļok ej bwe kōm kar jar ippān doon, doulul eo an pris ro im Ña, innām Iaar kajjitōk ippān kajjojo ñan kōnono. Iaar lukkuun roñjake, im ñan ña āinwōt membōr in doulul eo barāinwōt, ñan doon. Ālkin jidik iien, juon eñjake in aenōmṁan itok ioom. Iaar eñjake bwe membōr in doulul eo am eaar jōbwābwe eaar ineemṁṁan im ṁṁōrā juon jikin.

Eaar alikkar ñan ña ta eo doulul eo eaar aikuj kōmṁṁane im aikuj jab kōmṁṁane. Ke armej ro me raar loe rekar kōmeļeļeik jikin eo ilo wōjke ko me eaar ilok ñan an jikin kejparok Iaar eñjake Iaar kile jikin eo. Bōtaab kabwilōñlōñ eo eļapļok ñan eō eaar ñan lo juon tōmak an kōṁjeļe eo an priesthood eo ejuon wōt ilo Jisōs Kraist ebōktok ṁṁadenļok ñan emṁṁaan eo kōn kii ko an priesthood. Kōm aolep kar juon kumi raan eo ilo kajoor eo an priesthood.

Kii eo kein karuo ñan kōļapļok katak ej ñan wōr iakwe ñan doon me ej itok jān tōmak eļap. Ijjab jeļā ta eo ej itok ṁṁokta, bōtaab iakwe im tōmak eļap iien otemjej āinwōt rej pād ijo jabdewōt iien ewōr katak eļap im ṁṁokaj ilo priesthood eo. Joseph Smith eaar katakin kōj kōn waanjoñak.

Ilo raan ko jinoin an Kabuñ in ilo epepen in, eaar bōk juon mālim jān Anij ñan kalōk kajoor eo ilo priesthood eo. Eaar aikuj in kar tōl ñan ejaake jikuul ko ñan rikabwijer ro an priesthood. Irooj eaar kōmṁṁani men ko aikuji bwe aikuji in kar wōr iakwe ñan doon ibwilijier ro jet me raar aikuji katakin im raar katak. Errein naan ko an Irooj kōn ejaake juon jikin katak an priesthood im ta eo eaar āinwōt ñan ro me raar katak ie:

Irooj eaar kakiene Armej ro Rekwojarjar ejaake er make... im ñan ejaake juon imõn katak,...juon imõn kōllaajrak.

Irooj eaar barāinwõt ba bwe aolep armej rejjab aikuj rikōnono ilo juon wõt iien, ak juon armej ej aikuj kōnono ilo juon iien im ro jet rej aikuj roñjake naan ko an. Innām ñe aolep emõj aer kōnono, aolep renaaj katak im aolep armej enaaj maroñ jokkun wõt juon aer jeramṁman (lale D&C 88:119, 122).²

Irooj ej kōmeleleik ta eo emõj ad kar loe kadede ej kajoor eo an juon kṁṁjeļ an priesthood ak kūļaj eo ñan bōktok ṁadenļok jān Jetōb. ṁadenļok ej iaļ eo deeo jemaroñ itok ñan jeļā bwe Jisōs ej RiKraist eo. Tōmak in eļap ej buñtōn eo imaan tata ilo jikinwe eo jej tallōñe ñan katak pedped ko an kṁjeļ eo.

Ilo section 88 in Doctrine and Covenants ilo eoon 123 im 124 Irooj eaar kalikkar iakwe eo ñan doon im jab pukōt ruwōn doon. Kajjojo rej deļõñe jikuul in priesthood eo kar ejaake jān rikanaan eo an Irooj kōn kōṁṁmane juon bujen kōn pāā ko ñan erom juon ṁōttan im būratōr ilo loklok in iakwe (lale D&C 88:133).³

Kiiō, jejjab ļoor iminene eo rainin, bōtaab jabdewōt jikin eo Iaar lo katak in ejej uwaan ilo priesthood eo ewōr loklok in iakwe ko ie. Bar juon alen emõj aō lo loklok in iakwe ko āinwõt juon jermal im juon leen katak ṁool ko an kṁjeļ eo. Iakwe ej karuwaineneik tok Jetōb Kwojarjar ñan an pād ñan kapen ṁool eo. Im lañlōñ eo an katak ṁool ko rekwojarjar rej ejaak iakwe ilo būruwōn armej ro me rej kwaļok eñjake kōn katak.

Jekjek eo juon ej bar ṁool. Jab errā ak epanpan eo ej kadikļok maroñ eo an Jetōb Kwojarjar ñan katakin kōj im ñan kōpāpel kōj kōn maroñ ñan bōk meram im ṁool eo. Im eñjake in inepata ko me iien otemjej juon tōprak in inee ko an jab errā im pukōt ruwōn ro ibwilijin ro me kōtmene juon eñjake an katak eo me raar jab bōke.

Rikabwijer priesthood ro me emṁman aer katak ippān doon iien otemjej āinwõt ñan ña ewōr rikaenōṁṁman eļap ibwilijier. Komṁij lo komṁan aenōṁṁman ilo kūļaj ko an priesthood eo im ilo kṁṁjeļ ko. Ej menin letok ñan jipañ armej kile ta eo ewōr ippāer ñe rej lo oktak ko. Ej menin letok an rikōṁṁman aenōṁṁman ñan jipañ armej ñan pukōt juon jipañ jān ta eo juon eaar ba ijellōkin kajimṁwe.

Kōn an bwe iakwe eo erre an Kraist im juon kōṁaan ñan erom rikaenōṁṁman, ippān doon epidodo ilo kṁṁjeļ ko an priesthood im ilo kūļaj ko. Ebōk kijenmej im ettā, ak emõj aō lo an waļok jekdoon ñe unin kōnono ko reppen im armej ro ilo kṁṁjeļ ko ak kūļaj ko rej itok jān elōñ jekjek in mour.

Epidodo ñan bōk joñan eo eutie j kōmṃane jān Irooj ñan rikabwijer priesthood ro ilo kōmṃmani jokālōt ko ilo doulul ko. Epidodo ñe ewōr juon tōmak eḷap im iakwe im an jako iakwelel eo. Eñin ej men eo Irooj eaikjuji ñan rejtake eo An kōn jokālōt ko ad:

Eaar ba bwe aolep jokālōt ko kar kōmṃmani jān jabdewōt iaan doulul kein aikuj kōn errā, bwe aolep membōr ilo kajjojo doulul rej aikuj errā kōn jokālōt ko bwe jokālōt ko aer renaaj ewōr juon wōt aer kajoor ak ainikien wōt juon (lale D&C 107:27).⁴

Jipañ eo kein kajilu ñan katak ilo priesthood eo ej itok kōn kwaḷok jeḷā eo kōn etke Irooj ej kōjeramṃan im ḷōke kōj ñan kabwijer im ñan kōjermal priesthood eo An. Ej ñan jermal ñan ḷomṃor an armej ro. Kwaḷok jeḷā in ej boktok ippān doon ilo doulul ko. Jemaroñ jino katak kōn menin jān ḷoḷok ko ilo jeje ko rekwojarjar kōn ekōjkan ad ḷaddik in jetōb ro kar kōppopo ṃoktak jān ḷotak ñan utiej in āinjuon kōn kabwijer priesthood eo.

Kōnono kōn ro me kar leḷok ḷōke eo eḷap an priesthood eo ilo mour in Irooj eaar ba: Elōñ raar bōk katak ko aer iṃaan tata ilo laḷ eo an jetōb ko im kar kōppopo ñan waḷoktok ñan jermal ilo meḷaaj eo ñan ḷomṃor an jetōb ko an armej (lale D&C 138:56).⁵

Ilo priesthood eo jej kwaḷok jermal eo ekwojarjar ñan jermal ñan jetōb ko an armej. Jej aikuj kōmṃan eḷapḷok jān katak bwe eñin ej jermal eo ad. Ej aikuj ḷap ad eñjake kōn jermal eo meñe elōñ kōṃaan ko ilo kijejeto ko ad ilo jinoin mour ak mālijoñ ko me rej itok kōn iio maroñ ukōt kōj jān kōttōpar eo.

Ejjab etto Iaar loḷok juon pris eutie ilo ṃwe iṃōn. Eaar jab maroñin itok ñan kweilok ko an doulul eo am. Eaar make ḷok iaan. Lio pāleen edeeo eaar mej, im ajri ro nejin rej jokwe ettoḷok jān e. Iien im nañinmej kōmṃan joñan an maroñ ñan jermal. Ej ekkotak wōt ñan dāpij wōt ta eo emaroñe kōn kajoor eo juon iien eaar ḷap an kajoor.

Ke Iaar deḷoñ ḷok ilowaan ṃweo iṃōn, eaar jutak jān kein etetal eo an ñan karuwaineneik eō. Eaar kūr eō ñan jijet ilo jea eo iturin. Kōm kar kōnono kōn iia-iio ko am rekamṃoṃoṃo ilo priesthood eo.

Innām kōn juon kajoor eḷap eaar jiroñ eō, “Etke Ij mour wōt? Etke Ij pād wōt ijin? Ijjab maroñ kōmṃan jabdewōt.”

Iaar jiroñ e bwe eaar kōmṃane juon men ñan ña. Eaar kotak eō kōn tōmak im iakwe eo an. Meñe ekadu iien bwebwenato eo am, eaar kōmṃan bwe in kōṃaan erom emṃanḷok. Waanjoñak eo an kōn kije ñan kōmṃane juon men me eaorōk eaar iṃwe eō ñan buuḷ kajioñ ñan jermal ñan ro jet im Irooj.

Bōtaab jān ainikien eo ekabururomōjmōj im reitok in turin mejān, Imaroñ kar jelā bwe Iaar jab uwaake kajjitōk ko an. Eaar kejōkļokjeņ wōt etke Anij ej dāpij wōt mour eo an kōn joñak ko ilo maroñ eo an nān jermal.

Ilo jekjek in meanwōd eo an, eaar kaṃoolol eō kōn etal in loļok e. Ke Iaar jutak nān kōtļok bwe nōōj eo me ej itok nān m̄weo im̄ōn jet awa aolep raan delōñ tok jān bar juon ruum̄. Ilo iien bwebwenato eo amro, eaar jiroñ eō jidik kōn liin. Eaar ba liin eaar em̄man. Eaar mour ibwilijin Armej ro Rekwojarjar ilo Raan-kein Āliktata enañin aolepen mour eo an ak ejjañin juon membōr.

Liin eaar itok nān ippa nān kwaļok kōjām eo. Eaar jitōñ ļok liin im ba kōn ettōñ dikdik, “Lale, Ijjab maroñ kōm̄man jabdewōt. Em̄oj aō kar kajioñ bwe en peptaij ilo Kabuñ in ak ejjañin tōprak.” Liin eaar ettōñ tok nān e im nān nā. Iaar diwōjļok im jibarōkļok m̄weo im̄oj ejjab ettoļok.

Innām Iaar kile bwe uwaak ko nān kajjitōk ko an raar likūt ilo būruwōn etto. Pris in eutie j eperan eaar kajioñ kōm̄mane jermal eo an, kar katakin e ilo tōre ko an ilo preisthood eo.

Eaar jelā bwe iaļ eo deeo me jiroñ eo emaroñ kar bōk kōjeram̄man eo an lōm̄oqr kōn kōjpeļ eo an Jisōs Kraist eaar nān kōm̄mane juon bujen kōn peptaij. Em̄oj an kar katakin ekkar nān bujen ko jān aolep būreejtōn an aolep doulul jān tikōn ro nān pris ro reutie j.

Eaar kememej im eñjake kalim̄mur eo an make im bujen eo ilo priesthood eo. Eaar kejparok wot bujen an.

Eaar juon rikam̄ool im juon mijenede nān Rilōm̄oqr eo ilo aolep jekjek emaroñ in. Eaar pād kadede ilo būruwōn. Ikirelel eo an būruwōn eaar bwe būruwōn liin en maroñ kar oktak kōn Pinmuur eo an Jisōs Kraist kōn kejparok bujen ko rekwojarjar.

Iien eo an ilo jikuuļ eo an priesthood eo ilo mour in enaaj kadu keidi nān indeeo. Bōtaab meñe ilo tōre eo ekadu, eaar tijem̄ļok ilo katak ko. Enaaj bōk ippān, jabdewōt jikin Irooj enaaj kūri, katak ko an priesthood eo rej an indeeo.

Ejjab wōt kom̄ij aikuj in kijooror nān ekkatak katak ko an priesthood eo ami ilo mour in, ak kom̄ij aikuj laudiñdiñ kōn ta kōjatdikdik eo. Jet iaad emaroñ wōr joñan ilo ļōm̄nak ko ad kōjatdikdik ko nān katak ta eo Irooj ej letok nān kōj ilo jermal in jipañ eo An.

Juon em̄maan em̄man dettan eaar door bukwōn jidikdik eo an ilo Welsh ilo jinoin 1840 ko, kar roñ Rijilōk ro an Anij, im delōñ tok ilo aelōñ in kiiñ eo an Anij ioon laļ in. Eaar jerak ļok nān America ippān armej ro rekwojarjar im kar kattōre juon waikōn irilikļok kijoon meļaa j ko. Eaar pād ilo kumi eo tok juon ālkin an Brigham Young kar itok nān valley in. Jermal in jipañ eo an ilo

priesthood eo eaar koba kōpooj im kapidodoik bwidej n̄an juon jikin kallib.

Eaar wia kake jikin kallib eo kōn joñan eo edikl̄ok j̄an aorōk eo an n̄an etal n̄an juon mijen n̄an Irooj jeral ilo āne jemaden eo kiiō Navada n̄an lale j̄iip. Kar kūr e j̄an

J̄an men kein aolep eaar lo juon iaļ n̄an katak ipp̄an būratōr ro an ilo priesthood eo. Kōnke eaar juon mijenede eperan, eaar etetal ilo iaļ eo ilo Wales n̄an jikin ko reļļapl̄ok ilo laļ eo kar kōjerali ilo jōm̄mar an juon em̄maan eo me eaar emen kōttan an prime minister n̄an England n̄an leļok n̄an e kojpeļ eo an Jisōs Kraist.

Em̄maan eo ebuñbuñ eaar kadeļoñ e n̄an m̄weo im̄ōn. Eaar juon rikadiwōj̄l̄ok j̄an Eton College im j̄an Oxford University. Mijenede eo eaar kōnono ipp̄an kōn ia eo armej ej itok j̄ane, jeral eo eļap an Jisōs Kraist ilo bwebwenato eo an laļ in, im em̄ool kōn j̄ipadpad ko an laļ ko.

Ilo jem̄l̄okin katak eo aer, ļeo im̄ōn m̄weo eaar jab kōñaan bōk ta eo mijenede eo ba kōn peptaij. Ak ke rej jepeļok, ritōl eo an juon iaan empire ko reļļap an laļ in eaar kajjitōk ipp̄an mijenede eo ettā, “Ia eo kwar bōk jeļāļokjeñ in aṃ j̄an e?” Eaar uwaak: “Ilo priesthood eo an Anij.”

Kom̄ maroñ kar ļōm̄nak ilo juon iien ewi joñan an naaj kar em̄manl̄ok mour eo ami eļañne kom̄ kar deļōne jet jikuul ko rem̄man. Ij jar bwe kom̄ naaj lo em̄mantata eo an iakwe eo an Anij n̄an kom̄ im kōn iien eo em̄man Eaar lewaj n̄an kom̄ n̄an deļōne jikuul in priesthood eo An.

Eļañne kom̄ naaj niknik im pokake ilo priesthood eo, menin aorōk ko an jeļāļokjeñ an jetōb naaj lutōk lelep ioomi. Kom̄ naaj eddōkļok ilo kajoor eo ami n̄an jum̄ae nana im n̄an keañ kōn m̄ool eo me ej tōl ļok n̄an ļom̄oor. Kom̄ naaj lo lañlōñ ilo m̄ōñōñō eo an ro kom̄ij tōl ļok er ilo mour ijo eutiejtata. Baam̄le eo am enaaj erom juon jikin katak.

Ij kam̄ool bwe kii ko an preisthood eo em̄ōj an jepl̄aaktok. Būreejtōn Thomas S. Monson ej kabwijer im kōjeral kii kein. Anij ej mour im elukkuun jeļā kajiemi. Jisōs Kraist ej mour. Kar kālōt kom̄ n̄an utiej eo kōn kabwijer priesthood eo ekwojarjar. Ilo etan Jisōs Kraist amen.

Kakememej ko

1. Lale Doctrine im Covenants 107:87.

2. Lale Doctrine im Covenants 88:119,122.

3. Lale Doctrine im Covanants 88:133.

4. Lale Doctrine im Covenants 107:27.

5. Lale Doctrine im Covenants 138:56.